



UNIVERSITÄTS-  
BIBLIOTHEK  
PADERBORN

# Lævini Torrentini, Episcopi Antverpiensis, Poemata Sacra

Torrentius, Laevinus

[S.l.], 1594

Lævini Torrentii Odarvmad Amicos Liber Alter. Ad Iohannem Lupum de  
securitate vitæ.

---

[urn:nbn:de:hbz:466:1-69329](https://nbn-resolving.org/urn:nbn:de:hbz:466:1-69329)

LÆVINI TORRENTII  
ODARVM AD AMICOS  
LIBER ALTER.

Ad Iohannem Lupum de securitate vitæ.

**H**ERGO (pro superum fidem)  
Venturi nimium temporis anxius,  
Fortunaq; volubilis  
Incerto metuens eger ab exitu  
Præter quam iuuenem decet,  
Carpat perpetua sollicitudine?  
Quid tristes querimonia,  
Quid duri gemitus, longaque conserent  
Vita tedia languida,  
Flecti si nequeunt fata, nec arduis  
Cedunt victa laboribus  
Quos versat studio vulgus inutili?  
Vinam vinam hodie ut lubet.  
Cras dextro mihi Fors Hercule commodum,  
Aut damnum ferat alite  
Aduersa. Patiar si quid erit mali,  
At non ante diem miser  
Ignavo trepidans perdidderim metus  
Præsens hora quod obtulit.  
Scyllæ scopulos & rabiem freti,  
Infamemque licentiam  
Immitis Borea, & mobilis Africæ  
Falso crimine naufragus  
Olim Trinacrijs fluctibus obruta  
Accusat dominus ratis,  
Exemplo timidi cautus Vlyssæi  
Ni ventos liget improbos,  
Naturamque suis subdere nutibus,  
Et calum, & Superos queat.

Quare

Quare si cupidum te neque frigidis  
 Pars obiecta a quilonibus,  
 Nec regna assiduis torrida Solibus  
 Pellaci amoveant lucro,  
 Eia vi rem facias da pelagoratem,  
 Nec sit remigio quies.  
 Paulum est quod placidum Nerea senties.  
 At sospes rediens domum  
 Votum solve libens. Sin minus, improbo  
 Cur monstro caput obijcis?  
 Et atem haud alio transigimus modo.  
 Sis quocunque voles loco,  
 Sis quocunque gradu, plena periculis  
 Ingens omnia sunt mare.  
 Quod Fortuna potens instabili regit  
 Nutu, quaque protervia est,  
 Alternatq; vices, & celeri pede  
 Hinc illinc alio quatit  
 Pennas ancipiti mobilior Noto,  
 Nec constantior Hadria.  
 Sic visum superis, Praesidium & salus  
 In sola patientia est.  
 Quam prestare memor quando opus est, nocens  
 Nulli, commodus omnibus,  
 Ac cultum retinens Numinis, in diem  
 Vinam. Cras sibi vindicat  
 Communis genitor, cura nec huic minor  
 Ipsi quam mihi sit mei est.  
 Huic Fortuna subest, qua mihi, qua tibi  
 Dura & difficilis manet.  
 Tu vero volucrem plus nimio rotam,  
 Et fatum metuens graue,  
 Extis, auguriisque, & dare somniis  
 Fallacem poteris fidem,  
 Impronisa tamen cum veniet dies

Sors qua quemque vocat sua,  
 Toruo seua trahet fune necessitas  
 Te inuitum, ipse sequar libens,  
 Aduersis patiens, strenuus in bonis,  
 Ne quid depereat mihi.  
 Quod vixi & valui nec Deus auferet.

Ad Nicolaum Briardum.

**B**RIARDE, magni magna patris gloria,  
 Virtute quem sic exprimis,  
 Ut indolis & industria testem sua  
 Vterque laudet alterum,  
 Amate nobis quantum amari conuenit  
 Illustre virtutum decus,  
 Vnde hoc iniqua sorte procedit nefas,  
 Ut cuncta quo iuuant magis,  
 Hoc citius intercepta gaudium breuis  
 Dolore commutent graui,  
 Comesque luctus, sic volentibus Deis,  
 Fugitiua corrumpat bona?  
 Quid enim antea acti temporis dulcissima  
 Nunc proderunt consortia,  
 Quid tam venusto & candido liberrime  
 Sermone transacti dies,  
 Vnumque velle & nolle, qualis inuicem  
 Vel turturum concordia est,  
 Vinacis aut in comparem cornicula  
 Et multus & prestans amor,  
 Si quo fuisti gratior presens mihi,  
 Hoc grauius absentem fero?  
 Vadis per alta me sine Alpium iuga  
 Geluque, & astinas nives.  
 Quid ipse, qui vel Pyladis antiquam fidem  
 Meae anteponi non sinam,

Cur te relinquo, quodq; inaudium est primo,  
 Cur umbra corpus desero,  
 Dumq; undecumque mille fers incommoda  
 Ignauo abutor otio?  
 Non hoc Briarde Dis amicum, nec mihi.  
 Sed dura quod necessitas  
 Iubet feramus. Corporum diuortia  
 Distrabere mentem non queunt.  
 Mens Occidentis ultimo usque ab litore  
 Eoa prospectat freta,  
 Nec clausa mundo Calitum referat domos,  
 Et rebus interest Iouis.  
 Quare niuosa siue montium iuga,  
 Seu vasta superas equora,  
 Consors ubique ac particeps molstia  
 Te mente quouis prosequar.  
 At tu vicissim mente, non memor via,  
 Te ad nostra confer otia.  
 Collata utrimque sorte gausi bonis,  
 Malis dolebimus minus.

## Ad Laurentium Gambaram.

**N**EC Lyden noui, nec Bacchanalia vixi,  
 Attamen his iuuat ludere versiculis.  
 Tu quoque iam fractus senio, labentibus annis,  
 Non facis ad tales Gambara delicias.  
 Cur ergo ista tuo lusi sub nomine? Fingi,  
 Non esse ut moneam turpi in amore bonum.  
 Quem vitare volens studijs excultus honestis,  
 Nil prater solum curet amare Deum.

Baccha-

## Bacchanalia.

**P**OSCIT quod celebris dies ,  
 Fecunda innocuū Gambara Lesbij,  
 Formosiq; Cupidinis,  
 Et incunda Dea munera Cypria,  
 Nudis non sine Gratijs ,  
 Etatis memores ab nimium brevis  
 Dulces inter amiculos  
 Carpamus bona, ne temporis & loci  
 Nos occasio deserat.  
 Dant non inmodici pocula Liberi,  
 Vitam Sobria dat Venus ,  
 Nec quauis alia commodius via  
 Aegri triste periculum  
 Auertas animi quàm grauibus tuis  
 Si quandoque solutior  
 Curis stultitiam miscueris breuem.  
 Eia, quisquis es, ocius  
 Signatos veteri verte cados nota ,  
 Et totam refer amphoram,  
 Que me sollicito liberet ab metu,  
 Que spe diuite compleat  
 Venas, insolitumq; accumulet decus ,  
 Et plenum vberè spiritus  
 Lasciuis habilem reddat amoribus.  
 Eia da calicem puer ,  
 Spumantem vetulo da calicem mero.  
 Eia da simul alterum.  
 Quid stas? Non satis hic,ingere tertium.  
 Ohe, ter tribus impari  
 Libandum cyathis est Charitum choro.  
 His namque auspiciis decet  
 Mense principium ponere. Candidis

Mox

Mox ut iuncta sororibus  
 Mollis Gratia lusu & lenibus iocis  
 Festas condierit dapes,  
 Multo rite mero, nil numerum, neque  
 Mensuram veriti parem,  
 Numen Bacche tuum, teq; decens Venus  
 Certatim celebrabimus  
 Omnes attonito non sine gaudio.  
 Nec te preteritam velim  
 Lyde, Lyde anima pars potior mee,  
 O ipsis quoque Gratijs  
 Par forma simul & moribus aureis.  
 Per te bella gerens Venus  
 Captiuos animos ducit amantium  
 Sæuo quò libitum est ioco.  
 Sed cur hæc ego cur vincula fugerim?  
 Nam si te facilem dabis,  
 Tormentis animum lenibus occupans,  
 Vinam sub domine iugo,  
 Grata seruitij sorte beator  
 Quàm si regibus imperem.  
 Tu sola es sine qua viuere sit graue.  
 Pro te vel moriar, tua  
 Nostra si redimi morte queat salus.  
 Magnis vrer ab ignibus,  
 Vri me patiar sic tamen, & nouas  
 Flammæ vsque feram libens,  
 Pigro ne sine te frigore congelem.

Ad eundem.

Lyde, siue Adoleſcentia, in Odas  
 octo distributa.

I.

**S**ic mater gemino iuncta Cupidine  
 Gratam te cupidis reddat amantibus,

Z

Nec

Nec formosior vlla  
 Expugnet iuuenum toros,  
 Lyde Luciferi sidere pulchrior,  
 O solatiolum dulce dolentibus  
 Lyde, spes mea Lyde,  
 Accersita precor veni,  
 Expectata veni. Non patior moram.  
 Forma plus nimio sollicita es tua.  
 Nil quo crescere possit.  
 Etsi incompta, tamen veni.  
 Incocto radians vellere purpura  
 Vt lanam, pariter nobilem adulterat  
 Vultum. Non ego vestem,  
 Sed vestis dominam volo.  
 Ad sint blanditia, & grata proteruitas,  
 Argutisque referti salibus ioci.  
 Spirent lumen ocelli  
 Quod me surripiat mihi.  
 Nam desiderio torqueor anxio,  
 Nec finem ratio, nec reperit modum.  
 Tu succurrere Lyde  
 Tanto sola potes malo.  
 Tu fixum retines dura Cupidinis  
 Clauo, tu Veneris nexibus implicas.  
 Inus vitæque necisque  
 Vnam te penes est mea.  
 Viuam si facilem te dederis mihi,  
 Perdes difficilis. Prò Veneris decus  
 Si me perdis amantem,  
 Melli damna feres tue.  
 Vltrix immodici fertur amantium  
 Fastus alma Venus. Tu Venerem colis,  
 Quam pulcherrima Lyde,  
 Si me despicias, caue.  
 Stultus qui Veneris commemorem minas.



Ignosce ab stolidâ Numen ineptia.  
 In me pœna redundet  
 Lyden si ferias Dea,  
 Qua sola incolumi nil vereor graue.  
 At si turgidulis lacrymulam dolens  
 Flendo extorsit ocellis,  
 Tunc curis morior miser.

## II. . . . .

Firment augurium Juppiter & Venus,  
 Et quodcunque fauet Numen amantibus.  
 Venturam omnia Lyden  
 Certa signa canunt fide,  
 Et laurus, fragili dum crepitat sono,  
 Et mota tremulo lumine palpebra,  
 Et presaga futuram  
 Mens ob letitiam micans.  
 Sum felix, (Neget hoc inuidia vt lubet)  
 Felix, & Superis gratus, vbi ad preces  
 Praesto est spes mea Lyde,  
 Et Lyda comes it Venus.  
 Salue magna parens. Te placidam precor,  
 Qualis punicea cum redeunt rose  
 Calo laberis alto  
 Vt latam sobolem pares.  
 Tanc cantu volucres aëra personant,  
 Exultant pecudes, stat pelago quies,  
 Dum natura parentis  
 Aduentum celebrat suæ.  
 Tu mundo renocas cuncta, nec interit  
 Quidquam, cum pereant omnia, dum genus  
 Vnumquodque perennas,  
 Et rerum seriem fues.  
 Munus quod proprium Numinis est tui

Posco, fac maneat fœdus amantibus,  
 Et mi fructus amoris  
 Ut sit perpetuus faue.  
 Sic canos capiti, sic animo graues  
 Abstergam penitus sollicitudines,  
 Nec sœmenta inuenta  
 Deerunt latus ubi est amor.

## III.

Sed quò mens abit? Ab totus inhorruï,  
 Ut Gallus Phrygiæ flamine tibia.  
 Nostro Numen amoris  
 Certè Numen obest graue.  
 Inconstans Venus est, & Veneris puer.  
 Ludunt me vigilem somnia, dum spei  
 Plenum fallit imago  
 Facti quod fieri velim.  
 At nec iam lacrymis, aut precibus locus.  
 Irata est Dea. Nil me miserum, aut mea  
 Curat carmina Lyde,  
 Sœuas quæ moueant feras.  
 Crudelis, ad eòne excrucias tuos?  
 Nos vanam augurijs elicimus fidem,  
 Lasciuum illa repenti  
 Riualet fouet in sinu.  
 Quem spernens alios quæret adulteros,  
 Et mox hinc alios, inde iterum nonos,  
 Nulli fida, sed æquè  
 Vno omnes spoliatis modo.  
 Fallax blanditijs, ambrosia regit  
 Virus vipereo sanguine tetrus.  
 Raro hoc piscis ab hamo  
 Prærosa fugiet dape.  
 Me peccasse pudet. Fas iuuenem tamen

Sic pec-

Sit peccasse semel, sim modo cautior,  
 Bis tentata Charybdis  
 Mersam ne rapiat ratem.

## IIII.

Tu verò huc vetulam fer puer amphoram,  
 Et vinum cyathis funde capacibus.  
 Vno pellere curas,  
 Lydenque ex animo iuvat.  
 O dulcis liquor, ò nectaris aurei  
 Succus, rore sacro viscera permeans,  
 Quanto suavior undis  
 Humanum recreas genus!  
 Ast etas miseri dura Promethei  
 Plaustris impositas circumagens domos,  
 Nigrisq; abdita siluis,  
 Nec multo melior feris,  
 Agrestes paribus cum cyathis dapes  
 Ornabat patula strata sub arbore, &  
 Farctam glandibus aluum  
 Crudo flumine proluens,  
 Donec frondiferis Euius in ingis,  
 Et campis habitans fertilibus Ceres,  
 Vitem repperit ille,  
 Hac fruges docuit bonas.  
 Tunc vnda periit fama Acheloïe,  
 Nec priscam tennere arbuta gloriam.  
 Messem Iuppiter ipse  
 Dodona antehabuit nouam.  
 Tunc vitis varijs culta laboribus,  
 Atque ingens segetum cura, nec amplius  
 Has impune capella,  
 Aut fœdi attigerint sues.  
 Non illa pecudum delicia manent

Morsus, prò scelus, at nos melioribus  
 Aequum absumere labris  
 Frugesq; & pecudes simul.  
 Salve Bacche pater Nysigena, Euiè,  
 Salve, fas mihi te dicere, sed nefas  
 Siccis dicere labris  
 Fontem latitiae Deum.  
 Fecundos igitur da calices puer,  
 Bacchum ut ritè canam. Largior affluet  
 Prompta copia lingua  
 Quo plus ebiberim meri.

## V.

At lauros edat, & pallidulus labris  
 A scraeis aliis fontibus irriget.  
 Nymphas non ego damno,  
 Sed Baccho capior magis.  
 Nec factis aliud dicere, nec velim  
 Frontem composito fingere. Quin procul  
 Absit gloria vulgi,  
 Ipsi dum sapiam mihi.  
 Nam quò nobilium gloria fontium,  
 Muscosique lacus, & vaga flumina  
 Quotquot Gracia magnis  
 Celo laudibus extulit?  
 Delectant oculos ista quidem meos,  
 Atque aures placito murmure personant,  
 Sed quò carmina seris  
 Pangam digna nepotibus,  
 Huc optem latices Bacche pater tuos,  
 Tu venas aperis mollibus aestuans  
 Per praecordia flammis,  
 Nec torpere finis gelu.  
 Tunc nec pauperie discretior graui,

Nec

Nec vanis populi ducor honoribus,  
 Non me purpura regum,  
 Non belli strepitus mouent.

Quis thyrsum mihi det? O ubi Thyiades,  
 Silenusq; senex, & Satyri leues?  
 Clara voce Cytheron  
 Plenis intonat auribus.

Te Lenæ sequor seu libet Ismaron  
 Instrare, & gelida frigora Thraciæ,  
 Seu quâ decolor Indus  
 Eois calet ignibus.

Te Nyssa aërys aspicit in iugis  
 Vinctum pampineis tempora frondibus  
 Curru iungere tigres  
 Assueto dociles ingo.

Nil mortale inuat. Tu quoque perfide  
 Mater quem peperit perfidior, vale.  
 Non me seu Cupido  
 Flammas conficies nouis,

Nec qua castra semel iure perhorru  
 Desertor repetam. Tu modo tu puer  
 Mitis dona Lyæi  
 Vt non deficiant caue.

## VI.

Sed iam sideribus cincta nitentibus  
 It celi medio Cynthia vertice,  
 Et sopita quiescunt  
 Alto cuncta silentio,  
 Nec me peruigilem sic epula iuuant,  
 Et Bacchi liquor, ut non animum oscupet  
 Inter vina recurrens  
 Bacchi blanda soror Venus.  
 Extremus superest nunc igitur labor.

Ut, primum media noctis, & alterum  
 Somni pocula libans,  
 Totum conficiam cadum.  
 Somnus cum placida noctis adest quies  
 Defessum varijs antè laboribus  
 Clausis mulcet ocellis,  
 Nec curis aperit viam.  
 Somnum non modici pocula Lesbij  
 Adducunt. Procul hinc tunc procul improbum  
 Pellam potus amorem,  
 Quem siccus vereor magis.  
 Siccus ne peream, fer cyathos puer.  
 Siccis multa Deus proposuit mala,  
 Quorum obliuia mentem  
 Et somno, & subeunt mero.  
 Lethe non aliam Manibus admouet  
 Vim tracti fragili per Styga cum rate  
 Ad Plutonia regna  
 Compulso properant gradu.  
 Ipsi nos faciles lusimus hæctenus  
 Versus, iam titubans hesitat ac labat  
 Vdo lingua palato,  
 Et vox immoritur labris.

## VII.

Sed quenam tenebris cineta silentibus  
 Illudunt animo somnia turbido?  
 Furuis somnia pennis  
 Quæ circumuolitant caput?  
 Hanc noctem placidi munere Liberi  
 Sperabam positis ducere sensibus,  
 Qualem rite sepultis  
 Adfert perpetuus sopor.  
 Sperabam, (quid enim spes sibi credula

Non

Non fingit? ) quoties sed ferus ab meas  
 Spes delusit inanes  
 Gaudens insidiis Amor?

Hæsterna teneris luce sub ossibus  
 Torrebat miseris flamma iecur modis,  
 Quam restinguere Lyde  
 Tunc nulla voluit prece.

Securo at penitus compositum toro,  
 Inflatumque mero, nec memorem mali  
 Ah fallax quibus ille  
 Aggressus puer artibus?

Qui postquam imparibus vincula amantibus  
 Iniecit, graviter discruciat ferox,  
 Et nec rore cicada,  
 Nec nostris satur hic malis.

Stabat marmoreas vincita papillulas  
 Inuitans me oculis ipsa loquacibus.  
 Nec iam somnia visa,  
 Sed Lyden manibus tenens,

Et multo quatiens pectus anhelitu,  
 Latabar, volucrum citius Notò  
 Fugit vana voluptas,  
 Mansit perpetuus dolor.

Nam si nec tenebris vlla datur quies,  
 Cum mutas pecudes, cum rabidas feras,  
 Obscenasque volucres  
 Grata somnus obit vice,

Quid tentem miser? Ah nec Tityon (reor)  
 Exercet gravius supplicium, ferus  
 Rostro vultur adunco  
 Immortale secans iecur.

At forsán magicis solvere cantibus,  
 Aut herbis poterit saga latentibus.  
 Sed Medea neque istis  
 Spem figi sinit artibus.

Z. 5

Qua

*Que cum nil domina profuerint sua,  
 Quis nunc me miserum quis manet exitus?  
 Heu mors sola lenabit,  
 Aut certe melior Deus.  
 At fractos utinam sene puer tuos  
 Arcus, & validis tela sine ictibus,  
 Te que immane dolentem  
 Exincta videam face.*

## VIII.

*Sed cur immeritum stulte Cupidinem  
 Damnas? Nec puer hic, nec pueri nocet  
 Mater. Desine falso  
 Culpam obtendere nomine,  
 Et quod iam perijt tu tibi perditum  
 Ducens nequitia pone modum tuae.  
 Nunquam incommoda deerunt  
 Si nunquam abstineas malo.  
 Jam lusum satis est, iam grauioribus  
 Exercens animum nauiter artibus  
 Cursum flecte, malamque  
 Freno frange licentiam.  
 Tarpi qui nimium deditus otio  
 Insanis miser indulget amoribus,  
 Nec se colligit unquam  
 Menti praesidium parans,  
 Is tanquam fragiles sic alamos sua  
 Messis suppositis ureret ignibus  
 Diro concitus aestro,  
 Ipse est perniciēs sibi.  
 Fidi nunc igitur consilij tenax  
 Obdura. Nec erit difficilis labor.  
 Multo senior ille  
 Quem nunc perpeteris volens,  
 Qui te discruciat, te premit auxium.*

Conf.



Confide, & Superos auxilio voca.

Votis annuet equis,

Nec te destituet Deus.

Est mitis placidusque, est pius & bonus,

Nec quos condiderit non etiam fouet.

Quin amplectitur ultro,

Et molli gerit in sinu.

Peccanti grauis, haud ulterius tamen

Quam peccata manent. Dat venia locum

Cum peccasse fatemur,

Cum facti pudet & piget.

Nec tristes lacrymas, nec gemitum fuge.

Felix qui vitium corrigit. Est dolor

Quem sincera voluptas

Fausto subsequitur pede.

Ad Iohannem Berotium, Iurisconsultum.

**L**ECTOR meorum candide versuum

Te omnes Beroti per Superos rogo,

Per regna Musarum, per omnem

Aonia resonantis aulam,

Phœbique lauros, atque edera tenax

Germen virentis, ne nimio procax

Amore delinquas, meas qui

Sis aliquid ratus esse nugas.

Nec fonte sacro proluimus labra,

Nec efficaci in gramine duximus

Somnos, ubi Parnassus ingens

Nubifero petit astra dorso.

Vinant beati larga quibus dedit

Natura partam sponte scientiam,

Prodisse quos credas stupendos

Matris ab uberibus poëtas.

Nobis pusilli rivulus ingeni

Aren-

*Arente serpit languidus alueo,  
 Nec ore sublimi superbas  
 Spiritus eiaculatur auras.  
 Antiquioris, sed sapientia  
 Laudator aquus, seu numeris potens  
 It Flaccus attentas per aures,  
 Pindaricæque ruunt Camena,  
 Ut flava pratis mella legunt apes,  
 Quodcumque visum est sedulus aufero,  
 Meosque id auertentem ad usus  
 Instruit alterius supellex.  
 Hos amulari quis, precor, abnuat?  
 Quare relictis tu quoque rinulis  
 Accede quâ fontes benigni  
 Uberibus spatiantur undis,  
 Nec nostra miti carmina postules,  
 Sperans futurum me duce peruium  
 Pronumque callem quo disertus  
 Pierios penetres in hortos.  
 Ætas & ipsis ingenijs nocet,  
 Priora mutans deterioribus.  
 Vicunque colluctere, priscis  
 Inferior tamen vsque cedes.*

Ad Deos Poëtarum præsides:

**E**IA sonoram fer puer huc lyram,  
 Lyraeque acutas adijce tibus.  
 Fer vina, funde unguenta nardi  
 Deliciis locuplete cornu.  
 Adsint amœnis lilia cum rosis.  
 Serpat nitentes lata edera in comas,  
 Laurumque, pallentemque myrtum  
 Compositæ impediunt coronæ.  
 Vestras Camena carminibus nouis

Vulga-

Vulgare laudes fert animus. Neque  
 Te Phœbe, te virgo silebo  
 Multiplici memoranda ab arte,  
 Seu bella tractes horrida, & impium,  
 Ferox in hostem iustitiam iuves,  
 Seu bella componas, & urbes  
 Moribus instituas honestis.  
 Canamque Bacchum, & te quoque Gratia  
 Qua casta castis iuncta sororibus  
 Iocisque, ludisque, & choreis  
 Perpetuam recreas iuventam.  
 Quotquot beatas incolitis domos  
 Parnassus altum findit ubi aethera  
 Saluete Di, Diuæq<sub>3</sub>, terra  
 Praesidium, columenq<sub>3</sub> cali.  
 Vestris adauctum nuper honoribus  
 Non esse vestri sit memorem nefas.  
 Fuistis omnes. una rite  
 Omnibus hic statuetur ara.  
 Cadens opimas saepe ubi victimas,  
 Placansque Numen, non sine gaudio  
 Festis coronatus diebus  
 Pierios modulabor hymnos.  
 Per vos honesto perfruor otio,  
 Cui non arenas pratulerim Tagi,  
 Non quidquid immanis voraci  
 Voluitur Oceani sub vnda.  
 Per vos quieto pectore turbidos  
 Vulgi inmultus nil moror improbi,  
 Solisque, secretus sub antris  
 Naiadas Satyrosque canto.  
 Nec eruditis displicet auribus  
 Non inuenusto carmine barbitos,  
 Quaecunque diffundat per auras  
 Verba meo modulata plectro.

In

In Philippi Regis ad Fanum Quintini in  
Veromanduis victoriam.

**O** Digna tanto progenies patre,  
Aniſq; totaq; Auſtriadum domo,  
Sublimium fecunda regum  
Qua imperio moderatur orbem!  
Magnis parentum laudibus emines,  
Quas grata ſemper poſteritas colet  
Seu pacis enarrentur artes,  
Et placida ſtudium quietis,  
Seu cura belli, & rebus in aſperis  
Spectata virtus, fulminis in modum  
Aduerſa perumpens acuto  
Omnia corripiente ferro.  
Sed nec cruentis inclita preliis  
Erepta regno Hiſpania Barbaro  
Maiora de Mauris merenti  
Conſtituit proano tropæa,  
Magiſue patrem nobilitat tuam  
Illuſtre victa nomen ab Africa,  
Nouuſque perlustratus orbis  
Herculeo penitus labore,  
Quam teruentis funera Gallie  
Nulli antè partis nuper honoribus  
Ad aſtra ſublimem perenni  
Concelebrant decorantque laude.  
Gens inquieto concita ſpiritu  
Quaſcunque nobis antè parauerat  
Turbas ita eludebat arte,  
Perſidiaque doliſque vires  
Irreprehenſas Caſaris optimi,  
Ut verſipellem Protea crederes  
Mutare vultus, quò paratas

*Callidus effugeret catenas.*

*Sed qualis alis magnanimus Iouis  
Ferox dolosam fertur in aspidem,  
Nil fraude præstantis veneni  
Mortiferum remorante rostrum,*

*Talem sonora te referam lyra  
Philippe te te maxime Principum  
Fregisse Gallorum proterua  
Cornua cum sine clade victor*

*Fudisti apertis strenuus in iugis  
Immensa paruis agmina copijs.  
Quos Roma lauris anteponat  
Scipiadum referens triumphos.*

*En ut superbo ducitur ordine  
Captiua magnorum procerum cohors!  
Io triumphæ acclamat omne  
Vulgus, io, ter io triumphæ.*

*Gaudētque Diui, quæ pietas tua  
Fidēsque cordi est, prælia fortiter  
Pugnata, & hostili solutas  
Perfidia scelerique pœnas.*

*Nulla ergo vi, nulla arte domabiles  
Subuertis vrbes auxiliantibus  
Dis flamma maturas ut errans  
Per segetes agitata vento.*

*Eia. Secunda exorsus es alite.  
Spes certa. Magnum nescio quid parat  
Natura. Tu dignum memento  
Principio imposuisse finem.*

*Pace inter Philippum Hispaniæ, & Hentium  
Galliæ Reges inita.*

**P***Ax leta terris, leta redit quies.  
Gaudete Musæ, (Vester adest honos)  
Gaudete, desuetiq; cantus,*

*Et nu-*

Et numeri, & redeant chorea.  
 Tuq; alma Pallas, peruigil urbium  
 Custos, repertis nobilis artibus,  
 Qua conciderunt pacis artes  
 Mitis & ingenij, repone.  
 Quamuis vel ipso Marte ferocior  
 Hastamque, scutumque, & galeam quatis,  
 Sed Martis insano tumultu,  
 Consilio tua fertur ira.  
 Semper cruentis ille furens minis  
 Cades atroces & rabiem parat,  
 Tu bella ad optatum reducis  
 Iustitia sociata finem.  
 Sic perfidum olim aduersus adulterum  
 Fanore vicit pars melior tuo,  
 Vt cunque tutabantur hostem  
 Blanda Venus Venerisque moschus.  
 Et nuper equis foedera legibus  
 Percussa nutu si fuerint tuo,  
 Aeterna sint da virgo summi  
 Consilium patris & potestas.  
 Tandemq; vitis Bacche sator sacra,  
 Ceresq;, Nymphaq;, & Satyri leues  
 Reconditis prodite siluis,  
 Linqute queis latuistis antra,  
 Aprica lati visite pascua,  
 Vt vestra tellus numina sentiat,  
 Et summa dehinc frugum nouarum  
 Copia fertilitate mira  
 Commendet agros heu nimium diu  
 Vasto inquinatos turpiter otio,  
 Dum ruris instrumenta senos  
 In gladios clypeosque belli  
 Vertebat usus, dirus vt inclitas

Vassa.

Vastaret vrbes miles, & impios  
Per damna, per cades iniquo  
Conficeret domino triumphos.

Nam quid malorum non patimur breuis  
Molles adornet laureola vt comas,  
Et vulgus insanum stupefcens  
In titulis hiet ac tropais?

Tanti innocentem funderc sanguinem,  
Cognata ferro rumpere pectora,  
Et mutua, quam bruta feruant,  
Soluere amicitia tenorem.

At o sacraei Calliope chori  
Regina multum huic difsimilem meo,  
Rosaq<sup>3</sup>, confertamque myrto,  
Necte (precor) capiti coronam.

Qua cinctus inter vina fodalium,  
Nulli moleftus, commodus omnibus,  
Poffim aurea cantare pacis  
Multa bona, & mala multa belli.

Ad Pium quartum, Pontif. Max., qui  
ante pontificatum Iohan. Angelus  
Medices appellatus fuit.

QVALEM profundo vulnere faucius,  
Supremus vrget lumina cum fopor,  
Vitamq<sup>3</sup> feftinantem ad vmbra  
Vix tenuis remoratur aura,

Periculofe fentit opem malo,  
Expertus artis fi medicus noua  
Herede iam buftum parante  
Reddat eum patria & propinquis,

Tali labantem praefidio pater  
Tutaris vrberu o Pontificum decus,  
Viresque, confuetumq<sup>3</sup> fancti

Impe-

Imperij renocas vigorem.

Non Thessalis tu, tu neque Ibericis  
 Vfus venenis, non ope Barbara,  
 Qua Colchis optanti recoctum  
 Restituit Socerum marito.

Sed prompta virtus, curaque diligens,  
 Deoque plenum pectus, & integros  
 Laudare, castigare prauos,  
 Premiâque & meritos honores,

Pœnâsque iusta lance rependere  
 Prudentis ars est Principis & boni.  
 In publicis hac sola morbis  
 Est panacea, nigrumque moly.

Hac arte præstans impiger Hercules,  
 Quod pestilentis fœda licentia  
 Exempla, quod lernam malorum  
 Sustulit illuniemque tetram,

Proles supremi creditus est Iouis,  
 Magnum ipse Numen scilicet & potens,  
 Vindexque, seruatorque nostra,  
 Tutor & assiduus salutis.

Vicunque credant hoc veteres, tibi  
 Dat plena veri munera Numinis  
 Collata de celo potestas,  
 Quam meritis facis ampliozem,

Custos valentem sollicitus gregem  
 Pascens salubri gramine, non lupos,  
 Atros nec horrentem colubros,  
 Non hiemes, rapidosue Soles.

Hinc Roma blando te videt & colit  
 Jam lata vultu, iam posuit minas,  
 Tutosque per campos quietæ  
 It placidus Tiberinus vnda.

Macte ergo virtute optime Principum,  
 Incumbe tantis laudibus, & novos



Nunquam fatigatus memento  
Iungere praeeritis honores.

Ad Robertum Nobilem, Cardinalem

FORMOSA laurus qua Trivia manet  
Educta Cyntho prominet arduo,  
Aut lenis Eurota beata  
Laude Deorum hominumque ripa  
Dilecta docto surgit Apollini,  
Dilecta musis, & Dryadum choro,  
Magniq; tutela Tonantis  
Eximios paritura honores,  
Stat prorsus omni intacta periculo  
In spem bonorum vota que Principum,  
Qui gesta diffundant in aevum  
Perpetuis memoranda fastis.  
Lauro iuventus est similis tua  
Robore, Divum cura, & amabili  
Virtute sic prestans, ut omnis  
Te colat ac veneretur aetas.  
Gaudet senectus te iuvenem suis  
Preferre canis. Invidia sine  
Mirantur aequales, & optat  
Vir similes sibi quisque natos.  
Morum venustas, eloquij vigor,  
Doctrina per se maxima, qua tamen  
Tu plurimum illustras, adeptus  
Omnia tam teneris ab annis,  
Largis Deorum muneribus potens.  
Sed iunctus acri est iudicio labor.  
Fert uberem cultura messem  
Fertile cum renouatur aruum.  
Nunc magnus ergo creueris indies  
Magis magisque. Insigne aliquid parat

*Natura, tam raris euntem  
Principijs ut ad astra tollat.  
Ad Gabrielem Faërnium Cremonensem, vetustis  
austoribus corrigendis nobilem.*

**G**RATI vetustas officij memor  
Caelo locatum credidit Herculem,  
Quod monstra fatali labore  
Sustulit indomitæque dextra.  
Res magna sanè, dignaque Numine  
Tanto, & supremi progenie Iouis,  
Vel colla succrescentis Hydra  
Ignibus & secuisse ferro,  
Fœdis vel altos stercorebus bouum  
Purgasse acervos diuitis Augiæ,  
Aurique fecundis ab hortis  
Hesperidum rapuisse mala.  
Tuis Faërne illustrior est labor,  
Notisque mundo gratior artibus,  
Haud viribus constans, sed acris  
Ingenio, vigiliq; cura.  
Queis fretus armis, auspicio bono  
Furatus hostis Barbariem domas  
Non antè sic victam Latina  
Dedecore opprobrioque lingua.  
Hærebat aliè visceribus malum,  
Suaque fixum mole medentibus  
Ferebat horrorem, sub ipso  
Crudius asperiusque ferro.  
Tu pernicaci cedere nescius,  
Hostilibusque audentior ab minis  
Virtute vicisti probrosam  
Flunem cariemq; tetram,  
Solers nitore reddere pristino  
Libros vetustos nobilium virum  
Quicumque præluxere nobis

*Ingenio*

Ingenio, & locuplete lingua,  
 Ut morte pressum si referant caput,  
 Reddantq; dignam vindice gratiam,  
 Maiore te censeri honore  
 Arbitrio patiantur equo.  
 Tu namque & illis concilias decus  
 Quaeque ipse scribis non placeant minus  
 Faërne Musarum sub antris  
 Docte modos sociare chordis.

Ad Ioannem Moronum, Cardinalem, sacri  
 Cardinalium Senatus principem.

Q ualis purpureo vere rubens rosa  
 Cum Sol Oceano surgit amabilem  
 Latè spargit odorem,  
 Ac culti decus hortuli  
 Inuitat teneras Naiadum manus  
 Plenis cum calathis, aureolo & sinus  
 Ornamenta Deorum  
 Templis, aut epulis parant,  
 Talis tu medio concilio Patrum  
 Fulges eximijs clarus honoribus  
 O virtute coruscans,  
 Sacra gloria purpura.  
 Quam partam meritis non tibi, sed geris  
 Illis quos studio, quòsque opibus iuuas,  
 Diuùm more, merendo,  
 Aeternum meditans decus.  
 Hinc ingens veterum turba olientium,  
 Nec vero superans officiis nouos,  
 Quorum vota benignus  
 Letum ducis ad exitum,  
 Ut vite varijs fluctibus obrui  
 Sic te suspiciant Tindaridùm velue

Fessi sidera nauta  
 Quos duri exagitant Noti.  
 Sed portus miseris sis licet omnibus,  
 Primum fida tamen dat Statio ijs locum  
 Quorum nomen honestis  
 Commendatur ab artibus.  
 Quos inter Lyricis te numeris libens  
 Laudarem modicus Melpomenes cliens,  
 Sed nec Melpomene ipsa  
 Ad laudes satis est tuas,  
 Et virtus, operum quæ bene feceris  
 Merces ipsa sibi, nec populi leues  
 Curat turgida plausus,  
 Nec falsum opprobrium timet.  
 Quin quanto grauius comprimitur, sua  
 Stans immota bonis pulchrior emicat,  
 Vt Sol aureus atra  
 Pulsa nube ferens diem.  
 Quod Morone tua cernitur omnibus  
 Exemplo, domita qui inuidia graui,  
 Fortunaq̃, repulsis  
 Clares insidiis magis,  
 Nunc vno minor. At forte quid interina  
 Si mutare parent Numina, tu sacra  
 Tu spes altera Romæ  
 Vt summum teneas gradum.

Ad Fortunam, allecto in Senatum Gulielmo  
 Sirleto, Cardinale, viro optimo  
 & doctissimo.

**F**ortuna, multis credita Calitum  
 Angere catus, nec sapientia  
 Obnoxia humana, nec vlli  
 Imperio Iouis, aut Deorum,

Discede

Discede calo non tibi debito,  
 Discede templis, nec loca pollue  
 Sacrata Diuis qui merendo  
 Perpetuos adiere honores  
 Infida, fallax, ancipiti vice,  
 Vbiq<sub>3</sub> turbans omnia, nec magis  
 Constans quam inaequales procellae  
 Hadriacis agitata ab Austris.  
 Sed te tuumq<sub>3</sub> o instabilis globum,  
 Rotaeq<sub>3</sub> gyros vsque volubiles  
 Miretur obseruetq<sub>3</sub> vani  
 Simplicitas miseranda vulgi,  
 Vulgo remotus vir sapiens tuas  
 Irridet artes. Cetera negligit,  
 Agitq<sub>3</sub> se contenta virtus  
 Perpetuum sine te triumphum.  
 Sic ille magnis notus ab artibus  
 Siretus, alti diues & ingeni,  
 Virtutis explorans amussi  
 Omnia, per solidos honores  
 Propinquat astris. Inuideas licet  
 Fortuna tanta perfida gloria,  
 Liuore sed nil profuturo,  
 Nobilior nisi ut ille toto  
 Clarescat orbe, at tu pereas male,  
 Tuumq<sub>3</sub> numen, nomen inutile,  
 Vt cunque tam certo probatur  
 Indicio superasse virtus.  
 Quanto minaci sauior es manu,  
 Tanto retundens fortius impetum,  
 Contra renascentes chelydros  
 Herculeo celebris duello.  
 Vrge ergo inertes, desine fortium  
 Tentare vires, quos Deus adiuvat,  
 Quosque inter insigni Gulelmmum

Laude meis celebrare chartis  
 Aequum & decorum est. Cernite cernite  
 Crescentem, ut aquet pro meritis decus,  
 Victaq; fortuna superbum  
 Erigat eximius tropaeum

In Iohannis Goropij Becani Ori-  
 ginum libros

**B**ecane, nostris Atuatikos docens  
 Regnasse terris, flumine nobili  
 Qua Scaldis obluetur ingens  
 Oceani violenter undis,  
 Quaque illa iactis molibus arduis  
 Anversa litus promouet, vrbius  
 Regina quas Fors, & beato  
 Mercurius locupletat auro,  
 Non quo priores historiam ferè  
 Finxere pacto tu quoque somnias  
 Portenta, qua narrante matre  
 Attoniti stupeant alumni,  
 Nec sola nosti Pergama Achaicis  
 Vastata flammis, quo referunt genus  
 Vulgata qui tantum sequuntur,  
 Nec propriam meruere laudem;  
 Priscas sed artes doctus, & ingeni  
 Prediues, almae Palladis in sinu  
 Nutritus Ascræis sub antris,  
 Thræicio meditata vati,  
 Et sacra Mosis tradita dum pius  
 Seruas ab alto tanquam Helicen mari,  
 Das vela ventis, & secundo  
 Peruolitas vada salsa cursu.  
 Nec vasta Syrtis, nec breuia hic tibi,  
 Aut monstra firmae que metuas rati,

Quam

Quam Castorum tutela fulgens  
 Omnibus eripiet periculis.  
 Visenda tellus quam vacuis sibi  
 Delegit oris ille hominum parens  
 Cum numinis placasset iram,  
 Fœdâq; diluuiis apertis  
 Cessisset agris. liber enim metu  
 Formosâ quamuis arboribus inga,  
 Quâ Caucasus consurgit ingens,  
 Et scopuli munitantur astris,  
 Dilectâ dudum, & parca quibus salus,  
 Mutare querens mitibus aspera,  
 Reliquit, & subiecta cernens  
 Flumina, triticeosque campos,  
 His sedit aruis, hæc coluit loca.  
 Hinc Bactra coctis inclita frugibus,  
 Margusque, Iaxartesque, & ille  
 Vndisono ferus Oxus amne,  
 Quem tauriformis nomine consecres  
 Vallemq; Parnisi ad Superos feras,  
 Nyssamque, felicemque Merum  
 Nectareo celebres liquore.  
 Occurreret illic vitifator senex,  
 Quem rite multis indigetes modis,  
 Tot nominum splendore clarum  
 Quot varia meruere laudes.  
 Is te madentem muneribus suis,  
 Vinctumq; sacro tempora pampino  
 Admittet umbrosis in antris  
 Cum Satyris lembusque Nymphis  
 Arcana rerum discere, nec bene  
 Digesta prisca tempora seculi.  
 Quæ conditor narrabit ipse,  
 Ipse suos referet nepotes  
 Latè per orbem nomen in ultimas

Sparsisse

Sparfisse terras, fanigenas tamen  
 Virtute prestantes anita  
 Precipuo recolens honore.  
 Quos inter Argiuum inuidia graui  
 Cecolatentes Cimmerios specis  
 (Sic iussus) educes Averno,  
 Ad superas animosus auras.  
 Tu sacra genti, tu solitum decus,  
 Et iura reddes, nec sine Numine  
 Ritusq<sub>3</sub>, laudatósque mores,  
 Et veteres renocabis artes.  
 Quid regna dicam condita dum pijs  
 Nituntur armis Barbariam ut doment,  
 Et Marte freti, & Martis acrem  
 Harmonia moderante bilem?  
 Confide. Quò non visida te ferat  
 Virtus? Sequentur Cimmerij ducem.  
 Quacunque precedes, malásque  
 Haud iterum metuent tenebras.  
 Iam Dacus asper, iam rigidus Geta,  
 Iam paret audax Sarmata. Quid Saca?  
 Quid Saxones? Jam nota Thule  
 Nouerit & genus, & parentes.  
 Ipsa illa tantis inclita laudibus  
 Accedet ultrò Gracia, originem  
 Spartaq<sub>3</sub>, Athenarumq<sub>3</sub> iam nunc;  
 Ad Scythicas referens pruinas.  
 Sed heus paterni te renocant Lares,  
 Ortique Cymbris Atuatíci. Ratem  
 Huc flecte. Quantumuis superbo  
 Materie satis est triumpho.



In Gregorium x i i i. Pont.  
Opt. Max.

**Q**UID me Melpomene iubes  
 Desuetam manibus prendere barbiton,  
 Ac tristi senio grauem  
 Cantandis operam ludere versibus?  
 Cur me sollicitum tenes?  
 Non idem Genius, non eadem manee  
 Aetas, nec leuis est senex  
 Si tentet iuuenem quod deceat nota.  
 Urges propositum tamen,  
 Et quanquam emeritus non teneor nouis  
 Desudare laboribus,  
 Vis ut militiam sponte sequar tuam.  
 Agnosco dominam lubens,  
 Agnosco auspicia, & te veneror ducem,  
 Nec iam fert reprimi procax  
 Abrumpens tacitum lingua silentium.  
 Sed quem precipua canam  
 Dignum laude virum? Qui vice Numinis  
 Qua terra patet ambitus  
 Celestes animas corporibus datas  
 Celesti imperio regens,  
 Ut quisque est meritis premia dat bonis,  
 Ponit supplicium malis,  
 Hos damnans Erebo, hos Elysio beans.  
 Quid sublimius hoc gradu?  
 Supremi solio quis propior Dei  
 Quam cui ipse Deus  
 Ut munus peragat quod proprium Deo?  
 O diuina benignitas!  
 O quantis animi perfruihur bonis  
 Qui Christo dedimus fidem!

Nam

Nam quāquam variis (res hominum ut ferunt)  
 Simus criminibus rei,

Quos peccasse pudet, quos bene penitet,  
 Si mystas adeant sacros,

Si fassi ingenuè quidquid erat mali  
 Submissè veniam petant,

Nec Sancti renuant arbitrio viri  
 Quin pœne faciant satis,

Quo mens cunque modo lubrica concidat,  
 Non lapsus facilis magis

Quam pax, & placidi gratia Numinis.  
 O pronum ad Superos iter!

Quod pravis (uti fit) moribus obstruens,  
 Si tangat mea me salus,

Conuersis studijs mox referem mihi.  
 Nec quisquam dubitet velim,

Cum non dissimiles esse videt sui  
 Qui noxa caput eximunt.

Vult Christus sit homo namq; homini Deus.  
 Qui Petrum sibi deligens

Sacrati imperij quem feceret ducem,  
 Hoc illi decus obtulit,

Hoc seris etiam ex ordine posteris,  
 Et quotquot placitis sibi

Mandarent eadem munera posteris.  
 Hec hac illa potentia est,

Quae quondam geminis tradita clauibus  
 Qua calum petitur via

Occludit geminos atq; aperit polos.  
 At tu maxime Gregori,

Qui Romæ pater, & tot pater urbium  
 Nunc Petri solio sedes,

Nec tantum titulo fronte tenus Petrum,  
 Sed cura & studio refers,

Intentos oculos atque animum gerens

Quò

Quò te cunque necessitas,  
 Et ius, & ratio atque officium vocant,  
 ( *Quae vis est sapientiae* )  
 Sortem noscet tuam. Non gladiis opus,  
 Non aut curribus, aut equis,  
 Aut fidis tumidum per mare nauibus.  
 Vna est Religio, tuis  
 Quae nitens humeris ut venerabilem  
 Te magnis quoque regibus  
 Reddit, sic etiam viribus instruit.  
 Hinc omnis tibi copia,  
 Hinc res, hinc honor, augustaque dignitas,  
 Quam flexo veriti genu  
 Sacratibus pedibus figimus oscula.  
 Hanc supplex igitur cole,  
 Cui debes aliquid quod tibi supplices  
 In te spem statuunt suam.  
 Hanc quaque potis es strenuus exere,  
 Nullus restet ut angulus  
 Quò Christi rigida non penetrent Cruces.  
 Sic ardens pietas inbet.  
 Coepisti bene. Sed nil satis est viro  
 Forti, grata nec impigro  
 Si quid summa operis defuerit quies.  
 Nec summam tamen, hic tibi  
 Promitte ante obitum, quem reparas enim  
 Mundum nactus es, en, nouum,  
 Lustratumque aliis sideribus globum.  
 Sanctas huc pius inferes  
 Leges, hic populos moribus imbues,  
 Ac falsos abigens deos  
 Romana institues indigenis sacra.  
 Euge o Pontificum decus.  
 Coepere auspiciis haec fieri bonis.  
 Ipsi, en, munera deferunt

Lappo-

Iapponum proceres, longaque concutis  
 Emensi a quora puppibus  
 Voluunt se genibus sancte pater tuis.  
 Tu lato recipis sinu,  
 Atque hac digna piis palma laboribus,  
 Pro qua sollicito, ut decet,  
 Mox celo dabitur pulchrior altera.

In Carolum Borromæum, S. R. E. Cardinalem,  
 Archiepiscopum Mediolanensem.

**Q**VI claros celebret viros,  
 Nec laudes canat, ô Pontificum decus,  
 Et certa insubria salus,  
 Borromæe tuas, non aliter facit  
 Quam qui nox ubi inhorruit  
 Celi respiciens pallida sidera  
 Lunam negligat auream,  
 Aut Soli faculas præferat igneas.  
 Cur ergo te etiam mea  
 Laudatis aliis præterijt lyra?  
 Laudo laudo equidem lubens,  
 Nec parcus nimium, (crede) nec inuidus,  
 Quos possum, at similes tui  
 Si qui sint animum qui subeant meum,  
 Mirari soleo magis.  
 Tu, quem non agitat laus neque gloria,  
 Seu vox faucibus hæreat,  
 Seu pravo titubans deficiat sono,  
 Miranti veniam dabis.  
 Mirantem reficit dulce silentium,  
 Dum tanquam attonitus stupens  
 Virtutis speciem suspicit ardua.  
 Pulchro scilicet indidit  
 Vim natura potens ut sit amabile,  
 Ac mentis penetrans sinum

Extra

Extra se positos alligiat sibi.  
 At nil pulchrius inclita  
 Virtute à Superis est homini datum.  
 Quam cum moribus exprimas,  
 Incessuque graui atque habitu probes,  
 Cum fronte atque oculis geras,  
 Ac vana, ut speculo, ipsius imaginem  
 Toto corpore praeferas,  
 Hinc ardens amor ille, hinc studium tui,  
 Vt quacunque feras pedem,  
 Sacra cen videat plæbs pia fercula  
 Pompe, te venerans simul  
 Et flexo capite & poplitibus colat.  
 O priscis quoque seculis  
 Equandam eximia vim reuerentia!  
 Te non turba satellitum  
 Commendat populo, non comitum frequens  
 Seu praetor dominum cohors,  
 Seu longo sequitur cominus agmine.  
 Virtus maxima maximis  
 Sola est quæ celebrem reddit honoribus.  
 Tu vero te humilem, ut facis,  
 Demissumq; geras. Cum premitur, statim  
 Multo illustrior eminet,  
 Vt Sol cum nebulis exeruit caput.  
 Et quid non pateat tui  
 Fulgoris radiis? Non ego imagines,  
 Aut priscum referam genus,  
 Nec dicam geminos gratus auunculos.  
 Quorum hic militia caput,  
 Regum bella gerens, victor & hostium,  
 Faustum rettulit exitum.  
 Hic verò à teneris deditus vnguibus  
 Sacris officiis puer,  
 Perfunctus variis inde laboribus,

Supre-

Supremum obtinuit gradum,  
 Sacratique potens imperij nouum  
 Fastis inseruit decus  
 Cum sanctæ tribuit ius tibi purpura.  
 Magna hæc lumina, quæ piæ  
 Querenti tenebras inijciant manum,  
 Sed quæ Fors sibi vindicans  
 Fert his, fert aliis, sepe etiam malis.  
 At quæ munera sunt Dei,  
 Prudens simplicitas, nudaque veritas,  
 Constans religio & fides,  
 Mens inuicta manens, raraque castitas,  
 Et semper vigilans labor,  
 Elucent magis, atque aspicientium  
 Ne fallas oculos vetant,  
 Quas Christus comites cum tibi innexerit,  
 Vt nil Ambrosio minor  
 Tot setam populis Insubriam regas,  
 Ac Romana ferens sacra  
 Diuinis animos legibus instruas,  
 Quò celo teneant viam,  
 Cur non te venerer, mirer, amem, colam?  
 Vt quo carior es Deo,  
 Hoc per te citius promerear Deum.

Ad Iohannem Franciscum Bonhomium, Episcopum  
 Vercellensem, Caroli Borromæi, Card<sup>lis</sup>, Ar-  
 chiepiscopi Mediolanensis, & Gregorij  
 XIII. Pont. Max. funera lugentem.

**L**VGESIAM nimium diu  
 Franciscæ, & lacrymas fundis inutiliter,  
 Quæ nec proficiant tibi,  
 Functisque, ut redeant, multo etiam minus.  
 An credis placitum Deo

Vt lon-

Ut longa celebres funera nania?  
 Vitam cui voluit dedit,  
 Vitam cui dederit cum volet auferet.  
 Res nostra his agitur modis.  
 Mortales sumus, et nomine dicimur,  
 Quem Sol cunque reuexerit  
 Ut summū fieri posse pates diem.  
 Quo nos siue necessitas  
 Cogit, seu ratio, seu vocat arbiter  
 Rerum maximus omnium,  
 Mortem cur aliis, cur metuam mihi?  
 Mors nullum obijciat malum  
 Si quam transierim vita fuit bona.  
 Tu quos compositos doles  
 Cum semper fuerint moribus optimis,  
 Virtutis studio pares,  
 Ambo pontifices; hic Latij caput,  
 Hic omnem Insubriam regens,  
 Atque hic Ambrosiū, nec minus hic Petrum  
 In corde atque oculis ferens,  
 Absistant lacryma. fuit eos mori,  
 Inuit plurima perpeti,  
 Postquam non alia est ad Superos via.  
 Quin si tristitia modum  
 Non pones sapiens, plangere mortuos  
 Vno quem satis est die,  
 Ne tantum Superis inuideas decus,  
 Neue ipsis Superos vide.  
 Vtrumuis facias; non bene conuenit  
 Quem campis in Olympicis  
 Exercet pugilem conspicuus labor,  
 Non pugnam ancipitem timet,  
 Non castus, lateri ac temporibus granes.  
 Spes & laudis amor vetant  
 Obiectis reprimi fortem animum malis.

Cui quisquis fauet assidens,  
 Constanti, intrepido, cedere nescio,  
 Quamuis aspiciat lubens  
 Intentos oculos, horrida brachia,  
 Consertas manibus manus,  
 Exoptat tamen, & mente Deos rogat  
 Non longa nimium mora  
 Victori meritam cedere gloriam.  
 Sic qui conspiciamus pios  
 Luētantes Stygijs cum Furijs viros  
 Latemur volo perfidis  
 Quod sese obijciant fortiter hostibus.  
 Sed quos haud patimur mori,  
 Vt summam egregio, quod bene cœperint,  
 Imponant operi manum,  
 His intercipimus debita prœmia.  
 At quanto melioribus  
 Qui celo potitur perfruitur bonis  
 Quam qui vicerit Isthmia,  
 Sed victus vitijs ipse perit suis?  
 Non illic apium viret,  
 Pallentesq; olea, canaq; populus,  
 Non pinus Cybelæ sacra,  
 Aut myrtus Veneri, laurus Apollini,  
 Non palmæ nitor ardua,  
 Herbarumq; alia, & copia frondium,  
 Ornandis habiles comis,  
 Quas vanis celebrat Græcia laudibus,  
 Cum sit putidius nihil;  
 Sed concors amor & gratia Calitum,  
 Sed pax certa, sed otium,  
 Et secura quies, almâq; faustitas.  
 Longe absunt labor, & dolor,  
 Et spes, et metus, & turbida gaudia.  
 Non tristes querimonia,

Non



Non intemperies aetheris ignei,  
 Dites sollicitans heros  
 Ne frugi, aut pecori, neu male sit sibi,  
 Non vis ac dolus hostium,  
 Non turbant alia, aut impediunt mala.  
 Nam quid deesse potest quibus  
 Adiunctis sibi iam sit Deus omnia?  
 Qui caliginis horrida  
 Obseptos tenebris nunc oculos fugit,  
 Sed quos post obitum sacris  
 Letos intulerit Calicolum choris,  
 His se totum aperit volens,  
 Et rerum species detegit aureas,  
 Quas magno fonet in sinu,  
 Et coram memori pascit imagine.  
 Hac est vera beatitas,  
 Hac vera & solida vis sapientia,  
 Nil nescire quod aut fuit,  
 Aut est, aut fuerit deniq; postea.  
 Cuncta vno intuitu patent,  
 Et cunctis fruitur qui fruitur Deo.  
 Sunt ergo & viola, & rose,  
 Sunt gemmae & lapides, pictaq; marmora.  
 Est auri, est eboris decor,  
 Quo muri duplices, & platea nitent.  
 Porta stant adamantina,  
 At valvae viridi ornantur iaspide.  
 Hi festos celebrant choros,  
 Hi voce & cithara carmina temperant,  
 Pars curua recinunt lyra.  
 Tum laetis resonant atria plausibus.  
 Ad quae tu quoq; gaudia  
 Pleno cum properes qua potis es gradu,  
 Tritamq; inuenias viam,  
 Quam fecere pi & Carolus & cito

Post hunc Gregorius pede,  
Euge, insiste lubens, nec lacryma morans  
Imnectant. Veniet dies

Quo desiderij finis erit tui,  
Et quod nunc bene feceris,  
(Nam quò perpetua sollicitudines,  
Si nulli probitas bono est?)

Tanta dignum opera tunc pretium feres.  
Quin si me comitem velis,  
Impar sum meritis, ponè sequor tamen.

Ad societatem sanctissimi nominis Iesu.

**O** Grata celo sancta sodalitas,  
Rex regum Iesus nomine quam suo  
Illustrat exornatq<sup>3</sup>, toto  
Ut celebris memoreris orbe,

Non orbe dico quem veteres aui  
Norant minorem dimidio, male  
Truncatum, & angustis coactum  
Limitibus, nec adhuc reiectum,

Quod vstus illic Solibus, hic niue,  
Negaret aptas hospitibus domos,  
Nec torridam fas esset ulli

(Sic perhibent) superare Zonam,  
Sed orbe toto prorsus & integro,  
Quem belluoso dum volitant mari  
Vtroque porrectum sub axe  
Magnanimi reperere Iberi.

Quorum secuti turgida lintea,  
Pura sed omni mente cupidine,  
Pulchro nec argento, nec auro,  
Nec nitidis inbiante gemmis,

Armis vt illi sceptrum potentium  
Fregeret regum, fluminaq<sup>3</sup>, & lacus,  
Portusq<sup>3</sup> vicinaq<sup>3</sup> gentes  
Indomito subiere ferro,

Sic

Sic vos inermes, impavidi tamen,  
 Casta inferentes indigenis sacra  
 Hac impios cultus, & omnem  
 Barbariem pepulistis arte.  
 Qui namq; vera luce carentibus  
 Fas esse notum, vel potuit nefas?  
 Turpi volutabantur antro  
 Cimmerijs medijs tenebris,  
 Clausis retenta ceu caucis fera,  
 Edenda si que ad munera publica  
 Servantur, ut damnata fulva  
 Corpora dilacerent arena.  
 Quo deprehensos tam misero in statu,  
 Ut mente bruta non minus impia  
 Committerent quam saevus olim  
 Antiphates, genus aut Cyclopum,  
 Sanastis, at non cantibus Orphei,  
 Liniq; nec qui moenia condidit  
 Thebana, facundiq; voce  
 Mercurij, fidibusq; Phœbi,  
 Fida sed alma vi Sapientia.  
 Quae missa ab alto vicit ut haecenus,  
 Sic vincet aeternoq; tandem  
 Omnia subyciet parenti.  
 Qui vos ministros quod sibi legerit  
 Res gesta clamat, clamat & exitus  
 Spe maior, adductis opimo  
 Tam cito tot populis triumpho.  
 Quos, ante necdum nomine cognitos,  
 Portare Christi nunc dociles iugum  
 Miramur, ingenti remixta  
 Letitia simul & stupore,  
 Sed quid volenti non facile est Deo,  
 Deiq; Verbo, virgineo satum  
 Quod ventre prognatumq; nostri

*Credimus ad generis salutem?*

*Hic ille Iesus progenies patri  
Equana, calo quod fuerat manens.  
Humana sed de matre sumpsit  
Membra, viam referans Olympo.*

*Hic ille, cuius nomen amabile  
Vi vestra complet pectora, sic sacro  
Prorumpit exundans ab ore,  
Assidua coliturq<sup>3</sup> laude.*

*Nec parua laudi gratia, nam pijs  
Aspirat orsis omnipotens Deus,  
Firmatq<sup>3</sup> quas res cunq<sup>3</sup> nata  
Suspicio geritis secundo.*

*Nec de receptis gloria Barbaris  
Est maior illa quam domiti dabunt  
Caluig<sup>3</sup>, Luteriq<sup>3</sup>, & omnis  
Colluuijs simul impiorum.*

*Fremant superbi, nec teneant minas,  
Bellumq<sup>3</sup> cadesq<sup>3</sup>, & rabiem parent,  
Causamq<sup>3</sup> quam ius damnat equum,  
Vi vetitis tueantur armis,*

*Vos ista prudens simplicitas, bene  
Morata, sese nec leuis efferens,  
Defendet insontes. At ipse  
Se rabidus male perdet hostis.*

*Qui quo cruentus saurierit magis,  
Plus inde damni comperiet, videns  
Vicisse quos victos putarat,  
Et cineri superesse vires.*

Ad Iohannem Richardottum.

**I**N SOMNEM nuper cum me nox atra teneret  
Versantem vacuo languida membra toro,  
Qua licet inuitis scripsi solatia Musis  
Farnesi mastus funere magnanimi,

Richar-

*Richardotte tui paruum cape munus amici,  
Vt minuas luctum maestus & ipse tuum.*

*Epitaphium Alexandri Farnesij Parmæ & Placentiæ  
Ducis , ac prouinciæ Belgicæ gubernatoris.*

**S**ISTE gradum , propius quicumque accesseris hospes,  
*Quæq; velim paucis accipe versiculis.*  
*Hoc tegitur tumulto, fama licet impleat orbem,*  
*Et civis est, belli qui modo fulmen erat,*  
*Fortis Alexander Farnesius ille, Quiritum*  
*Progenies, priscos equiparans atanos,*  
*(Quo tu Parma potens, quo pulcra Placentia tanto*  
*Principe conspicuum fertis in astra caput)*  
*Nec minus Austriadum materna stirpe coruscans,*  
*Maximus unde illum Carolus ornat auus,*  
*Carolus ingentes nactus tot ab hoste triumphos,*  
*Tam bonus imperio quam pietate potens.*  
*Quas, aliâsque inter laudes non ultima, quod te*  
*Heredem genuit diue Philippe suum.*  
*Pro quo bella gerens Farnesius acer in armis*  
*Restituit valida Belgica regna manu,*  
*Restituit tibi te Lutetia certa ruina,*  
*Optatam subito cum tulit vltor opem.*  
*Nec tantum hæc vni victoria profuit vrbis,*  
*Parta fuit regno qua tibi parta salus.*  
*Profuit & Christo, cuius tot onilia latè*  
*Errabant seuis obuia præda lupis.*  
*Ipsè suos relegens numeros septisque reponens*  
*Muniuitq; bonos, impediit que malos.*  
*Talibus incumbens, iam fractus membra labore,*  
*Nuper & accepto vulnere debilior,*  
*Occidit immaturus adhuc florentibus annis.*  
*Sed nullam seruant inuida fata diem.*  
*Nec moritur moriens cui fama & vita supersunt*  
*Æterna, emeritæ premia militia.*

*Nil*

Nil igitur lacrymis opus, aut singultibus ullis.  
 Turpe quid in magnis nania funeribus.  
 Vos mihi Francorum proceres, quorum unica cura  
 Est Deus, & regni religiosus amor,  
 Hunc celebrate ducem, vita quem prodiga virtus  
 Hostiles toties frangere fecit opes.  
 Palma hac in medio est. De qua decerpere ramum  
 Qui velit, hunc alia non licet ire via  
 Quam decus hic nostrum Farnesius iuerit vsque  
 Dum felix campos attigit Elysios.  
 Guisiada fratres ubi eum fulgente corona  
 Donatum medio composuere thoro,  
 Guisiada, regum soboles, quos ante Tyranni  
 Obruit infando vis fera flagitio,  
 Nunc leti iungunt dexteras, & gaudia miscent.  
 Ille miser Stygiis crimina purgat aquis,  
 Vosq; monet similem patria depellere pestem  
 In commune piis omnibus auxilium.  
 Hac Hospes tibi dicta tenens decede volenti  
 Scire eadem, & cineri dic bona verba. Vale.

Carmen numerale.

Lib. Coll. Societ. Jesu Paderborn. a. 1610.  
 OCCIDIT AM, BELLO QVO NON VIR  
 FORTIOR ALTER,  
 DVX PARMÆ. CINERES HÆC BREVIS  
 VRNA TEGIT.

FINIS.